



Comhairle an
Aontais Eorpaigh

An Bhruiséil, 11 Samhain 2022
(OR. en)

Comhad Idirinstitiúideach:
2022/0806(NLE)

10624/1/22
REV 1

SCH-EVAL 92
COMIX 342

NÓTA

ó:	An Uachtaránacht
chuig:	na toscaireachtaí
Ábhar:	Dréacht-Chinneadh ón gComhairle maidir le forálacha <i>acquis</i> Schengen a chur i bhfeidhm go hiomlán i bPoblacht na Cróite

Gheobhaidh na toscaireachtaí, i gceangal leis seo, an Dréacht-Chinneadh ón gComhairle maidir le forálacha *acquis* Schengen a chur i bhfeidhm go hiomlán i bPoblacht na Cróite. Marcáiltear téacs a athraíodh leis an leagan seo le **cló trom agus líne faoi** agus le [...].

DRÉACHT-CHINNEADH ÓN gCOMHAIRLE

an

**maidir le forálacha *acquis* Schengen a chur i bhfeidhm go hiomlán
i bPoblacht na Cróite**

MAIDIR LE COMHAIRLE AN AONTAIS EORPAIGH,

Ag féachaint d'Ionstraim Aontachais 2012, agus go háirithe Airteagal 4(2) de¹,

Ag féachaint don Tuairim ó Pharlaimint na hEorpa²,

De bharr an mhéid seo a leanas:

- (1) In Airteagal 4(2) d'Ionstraim Aontachais 2012, foráiltear maidir leis na forálacha de *acquis* Schengen nach dtagraítear dóibh in Airteagal 4(1) den Ionstraim sin, nach mbeidh feidhm acu sa Chróit ach de bhun cinneadh ón gComhairle chuige sin, tar éis fíorú, i gcomhréir leis na nósanna imeachta meastóireachta Schengen is infheidhme, go bhfuil na coinníollacha riachtanacha chun gach cuid den *acquis* ábhartha a chur i bhfeidhm comhlíonta sa Chróit, lena n-áirítear cur i bhfeidhm éifeachtach rialacha uile Schengen i gcomhréir leis na comhchaighdeáin chomhaontaithe agus leis na bunphrionsabail.
- (2) Le Cinneadh 2017/733, tar éis don Chomhairle a fhíorú gur chomhlíon an Chróit na coinníollacha is gá chun an chuid sin de *acquis* Schengen lena mbaineann maidir le cosaint sonraí a chur i bhfeidhm, chuir sí na forálacha sin de *acquis* Schengen a bhaineann le Córas Faisnéise Schengen infheidhme maidir leis an mBallstát lena mbaineann ón 27 Meitheamh 2017³.

¹ IO L 112 24.4.2012, lch. 21.

² IO

³ IO L 108 26.4.2017, lch. 31.

- (3) I gcomhréir leis na nósanna imeachta meastóireachta Schengen is infheidhme mar a leagtar amach i Rialachán (AE) Uimh. 1053/2013 ón gComhairle iad⁴, rinneadh meastóireachtaí chun a fhíorú gur comhlíonadh na coinníollacha is gá chun *acquis* Schengen a chur i bhfeidhm i ngach réimse de *acquis* Schengen atá fágtha – bainistiú na teorann seachtraí, comhar póilíneachta, Córas Faisnéise Schengen, filleadh, víosaí, comhar breithiúnach in ábhair choiriúla agus airm thine – sa Chróit.
- (4) An 22 Deireadh Fómhair 2019, d’fhoilsigh an Coimisiún Eorpach Teachtaireacht maidir le fíorú ar chur i bhfeidhm iomlán *acquis* Schengen ag an gCróit⁵, inar thángthas ar an gconclúid ‘go measann an Coimisiún go bhfuil na bearta is gá glactha ag an gCróit chun a áirithiú go gcomhlíontar na coinníollacha is gá chun na codanna ábhartha uile de *acquis* Schengen a chur i bhfeidhm. Beidh ar an gCróit leanúint de bheith ag obair go comhsheasmhach maidir le cur chun feidhme na ngníomhaíochtaí leanúnacha uile, go háirithe i réimse bhainistiú na dteorainneacha seachtracha, chun a áirithiú go leanfar de na dálaí sin a chomhlíonadh. Dearbhaíonn an Coimisiún freisin go leanann an Chróit de na gealltanais a bhaineann le *acquis* Schengen, mar a gabhadh ar láimh ina caibidlíocht aontachais, a chomhlíonadh’.
- (5) An 9 Nollaig 2021, tháinig an Chomhairle ar an gconclúid go ndearna an Chróit na coinníollacha maidir le cur i bhfeidhm gach cuid den *acquis* ábhartha a chomhlíonadh⁶.
- (6) Dá bhrí sin, is féidir na dátaí a shocrú le haghaidh chur i bhfeidhm *acquis* Schengen ina iomláine ag an mBallstát sin, ónar cheart deireadh a chur le seiceálacha ar dhaoine ag na teorainneacha inmheánacha leis an mBallstát sin.

⁴ Rialachán (AE) Uimh. 1053/2013 ón gComhairle an 7 Deireadh Fómhair 2013 lena mbunaítear sásra meastóireachta agus faireacháin chun cur i bhfeidhm *acquis* Schengen a fhíorú agus lena n- aisghairtear an Cinneadh ón gCoiste Feidhmiúcháin an 16 Meán Fómhair 1998 lena mbunaítear Buainchoiste um measúnú agus cur chun feidhme Schengen (IO L 295, 6.11.2013, lch. 27).

⁵ COM (2019) 497 final an 22.10.2019

⁶ 14883/21

- (7) Ón dáta is luaithe den sórt sin, ba cheart deireadh a chur leis na srianta ar úsáid Chóras Faisnéise Schengen, dá bhforáiltear i gCinneadh (AE) 2017/733 ón gComhairle an 25 Aibreán 2017 maidir leis na forálacha sin de chuid *acquis* Schengen a bhaineann le Córas Faisnéise Schengen a chur i bhfeidhm i bPoblacht na Cróite.
- (8) Ba cheart an córas simplithe le haghaidh náisiúnaigh tríú tír a bhfuil víosa gearr-fhanachta ina seilbh acu a d'eisigh an Chróit le haghaidh idirthuras trína críocha nó tréimhsí fanachta atá beartaithe ar a críocha le haghaidh tréimhse nach faide ná 90 lá i rith tréimhse 180 lá, a tugadh isteach le Cinneadh Uimh. 565/2014/AE ó Pharlaimint na hEorpa agus ón gComhairle⁷, a choinneáil chun an taisteal a bheith ag éirí níos deacra do chatagóirí áirithe daoine a sheachaint. Dá bhrí sin, ba cheart forálacha áirithe den Chinneadh sin leanúint d'fheidhm a bheith acu ar feadh idirthréimhse theoranta.
- (9) Maidir leis an Íoslainn agus leis an Iorua, is é atá sa Chinneadh seo forbairt ar fhorálacha *acquis* Schengen de réir bhrí an Chomhaontaithe arna thabhairt i gcrích ag Comhairle an Aontais Eorpaigh agus Poblacht na hÍoslainne agus Ríocht na hIorua maidir le comhlachas an dá tír sin le *acquis* Schengen a chur chun feidhme, a chur i bhfeidhm agus a fhorbairt⁸, ar forálacha iad a thagann faoi réim an réimse dá dtagraítear in Airteagal 1, pointí B, C, D agus F de Chinneadh 1999/437/CE ón gComhairle⁹.

⁷ Cinneadh Uimh. 565/2014/AE ó Pharlaimint na hEorpa agus ón gComhairle an 15 Bealtaine 2014 lena dtugtar córas simplithe isteach le haghaidh daoine a rialú ag na teorainneacha seachtracha, ar córas é a bheidh bunaithe ar aitheantas aontaobhach a bheith á thabhairt ag an mBulgáir, ag an gCróit, ag an gCipir agus ag an Rómáin do dhoiciméid áirithe mar dhoiciméid atá coibhéiseach lena víosaí náisiúnta le haghaidh idirthuras trína gcríocha nó tréimhsí fanachta atá beartaithe ar a gcríocha nach faide ná 90 lá in aon tréimhse 180 lá agus lena n-aisghairtear Cinneadh Uimh. 895/2006/CE agus Cinneadh Uimh. 582/2008/CE (IO L 157, 27.5.2014, lch. 23).

⁸ IO L 176, 10.7.1999, lch. 36.

⁹ Cinneadh 1999/437/CE ón gComhairle an 17 Bealtaine 1999 maidir le socruithe áirithe i dtaca le cur i bhfeidhm an Chomhaontaithe arna thabhairt i gcrích ag Comhairle an Aontais Eorpaigh agus Poblacht na hÍoslainne agus Ríocht na hIorua maidir le comhlachas an dá tír sin le *acquis* Schengen a chur chun feidhme, a chur i bhfeidhm agus a fhorbairt (IO L 176, 10.7.1999, lch. 31).

- (10) Maidir leis an Eilvéis, is é atá sa Chinneadh seo forbairt ar fhorálacha *acquis* Schengen de réir bhrí an Chomhaontaithe arna thabhairt i gcrích idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen a chur chun feidhme, a chur i bhfeidhm agus a fhorbairt¹⁰, ar forálacha iad a thagann faoi réim an réimse dá dtagraítear in Airteagal 1, pointí B, C, D, agus F de Chinneadh 1999/437/CE ón gComhairle, arna léamh i gcomhar le hAirteagal 3 de Chinneadh 2008/146/CE ón gComhairle¹¹.
- (11) Maidir le Lichtinstéin, is é atá sa Chinneadh seo forbairt ar fhorálacha *acquis* Schengen de réir bhrí an Phrótacail idir an tAontas Eorpach, an Comhphobal Eorpach, Cónaidhm na hEilvéise agus Prionsacht Lichtinstéin i ndáil le haontachas Phrionsacht Lichtinstéin leis an gComhaontú idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen a chur chun feidhme, a chur i bhfeidhm agus a fhorbairt¹², ar forálacha iad a thagann faoi réim an réimse dá dtagraítear in Airteagal 1, pointí B, C, D agus F de Chinneadh 1999/437/CE ón gComhairle arna léamh i gcomhar le hAirteagal 3 de Chinneadh 2011/350/AE ón gComhairle¹³,

TAR ÉIS AN CINNEADH SEO A GHLACADH:

¹⁰ IO L 53, 27.2.2008, lch. 52.

¹¹ Cinneadh 2008/146/CE ón gComhairle an 28 Eanáir 2008 maidir le tabhairt i gcrích an Chomhaontaithe, thar ceann an Chomhphobail Eorpaigh, idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen a chur chun feidhme, a chur i bhfeidhm agus a fhorbairt (IO L 53, 27.2.2008, lch. 1).

¹² IO L 160, 18.6.2011, lch. 21.

¹³ Cinneadh 2011/350/AE ón gComhairle an 7 Márta 2011 maidir le tabhairt i gcrích an Phrótacail, thar ceann an Aontais Eorpaigh, idir an tAontas Eorpach, an Comhphobal Eorpach, Cónaidhm na hEilvéise agus Prionsacht Lichtinstéin i ndáil le haontachas Phrionsacht Lichtinstéin leis an gComhaontú idir an tAontas Eorpach, an Comhphobal Eorpach agus Cónaidhm na hEilvéise maidir le comhlachas Chónaidhm na hEilvéise le *acquis* Schengen a chur chun feidhme, a chur i bhfeidhm agus a fhorbairt, a bhaineann le seiceálacha ag na teorainneacha inmheánacha a dhíothú agus le gluaiseacht daoine (IO L 160, 18.6.2011, lch. 19).

Airteagal 1

1. Ón [1 Eanáir 2023], cuirfear deireadh le seiceálacha ar dhaoine ag teorainneacha inmheánacha talún agus mara leis an gCróit agus beidh feidhm ag forálacha *acquis* Schengen dá dtagraítear san Iarscríbhinn maidir leis an gCróit ina caidreamh le Ríocht na Beilge, [Poblacht na Bulgáire], Poblacht na Seice, Ríocht na Danmhairge, Poblacht Chónaidhme na Gearmáine, Poblacht na hEastóine, an Phoblacht Heilléanach, Ríocht na Spáinne, Poblacht na Fraince, Poblacht na hIodáile, Poblacht na Laitvia, Poblacht na Liotuáine, Ard-Diúcacht Lucsamburg, Poblacht na hUngáire, Málta, Ríocht na hÍsiltíre, Poblacht na hOstaire, Poblacht na Polainne, Poblacht na Portaingéile, [an Rómáin], Poblacht na Slóivéine agus Poblacht na Slóvaice, Poblacht na Fionlainne agus Ríocht na Sualainne mar aon le Poblacht na hÍoslainne, Prionsacht Lichtinstéin, Ríocht na hIorua agus Cónaidhm na hEilvéise.
2. Maidir le seiceálacha ar dhaoine ag teorainneacha inmheánacha aeir, cuirfear deireadh leo ón [26 Márta 2023]* agus beidh feidhm ag na forálacha dá dtagraítear i mír 1, a mhéid a rialaíonn siad díothú na seiceálacha ar dhaoine ag teorainneacha inmheánacha aeir, amhail ón dáta sin.
3. Cuirfear deireadh le gach srian ar an gCróit maidir le Córas Faisnéise Schengen a úsáid amhail ón [1 Eanáir 2023].

* Meabhraítear nach mór, ar chúiseanna teicniúla, an dáta a chuirfear deireadh le rialuithe ag na teorainneacha aeir a bheith i gcomhthráth le dátaí sceideal ama an tsamhraidh/an gheimhridh de chuid IATA, i.e. an Domhnach deireanach de mhí an Mhárta nó an Domhnach deireanach de mhí Dheireadh Fómhair.

Airteagal 2

Leanfaidh víosaí náisiúnta gearrthéarmacha arna n-eisiúint ag an gCróit roimh [an 1 Eanáir 2023] de bheith bailí feadh na tréimhse bailíochta, chun críche idirthuras a dhéanamh trí chríoch Ballstát eile nó chun críche tréimhsí fanachta atá beartaithe ar a gcríocha nach faide ná 90 lá in aon tréimhse 180 lá, a mhéid a aithníonn na Ballstáit víosaí gearrthéarmacha den sórt sin chun na gcríoch sin, i gcomhréir le Cinneadh Uimh. 565/2014/AE. Beidh feidhm ag na coinníollacha a leagtar amach sa Chinneadh sin.

Airteagal 3

Tiocfaidh an Cinneadh seo i bhfeidhm lá a ghlactha.

Airteagal 4

Foilseofar an Cinneadh seo in *Iris Oifigiúil an Aontais Eorpaigh*.

Arna dhéanamh sa Bhruiséil

Thar ceann na Comhairle

An tUachtarán

Liosta d'fhorálacha *acquis* Schengen de réir bhrí Airteagal 4(2) d'Ionstraim Aontachais 2012 le bheith infheidhme sa Chróit ina caidreamh leis na Ballstáit a chuireann *acquis* Schengen i bhfeidhm ina iomláine chomh maith leis an Íoslainn, Prionsacht Lichtinstéin, an Iorua agus Cónaidhm na hEilvéise

- A. Na forálacha seo a leanas den Choinbhinsiún lena gcuirtear chun feidhme Comhaontú Schengen an 14 Meitheamh 1985 maidir le seiceálacha ag a gcomhthearainneacha a dhíothú de réir a chéile ('Coinbhinsiún Schengen') (IO L 239, 22.9.2000, lch. 19):

Airteagal 1 a mhéid a bhaineann sé le forálacha eile a luaitear sa phointe seo, Airteagail 18, 19(1), 19(3), 19(4), 20, 21, 22, Airteagail 40-43, agus Airteagail 126-130 a mhéid a bhaineann siad le forálacha eile a luaitear sa phointe seo;

- B. Na hionstraimí eile seo a leanas mar aon le gníomhartha lena gcuirtear chun feidhme iad:
1. Treoir 2001/40/CE ón gComhairle an 28 Bealtaine 2001 maidir le haitheantas frithpháirteach cinntí i dtaca le náisiúnaigh tríú tír a dhíbirt (IO L 149, 2.6.2001, lch. 34);
 2. Cinneadh 2004/191/CE ón gComhairle an 23 Feabhra 2004 lena leagtar amach na critéir agus na socruithe praiticiúla chun na míchothromaíochtaí airgeadais ar toradh iad ar chur i bhfeidhm Threoir 2001/40/CE a chúiteamh (IO L 60, 27.2.2004, lch. 55);
 3. Cinneadh 2004/512/CE ón gComhairle an 8 Meitheamh 2004 lena mbunaítear an Córas Faisnéise Víosáí (VIS) (IO L 213, 15.6.2004, lch. 5);

4. [...]
5. Pointe (b) d’Airteagal 4, agus pointe (c) d’Airteagal 9 de Rialachán (CE) Uimh. 1931/2006 ó Pharlaimint na hEorpa agus ón gComhairle an 20 Nollaig 2006 lena leagtar síos rialacha maidir le trácht teorann áitiúil ag teorainneacha talún seachtracha na mBallstát agus lena leasaítear forálacha Choinbhinsiún Schengen (IO L 405, 30.12.2006, lch. 1);
6. Rialachán (CE) Uimh. 767/2008 ó Pharlaimint na hEorpa agus ón gComhairle an 9 Iúil 2008 maidir leis an gCóras Faisnéise Víosai (VIS) agus maidir le sonraí ar víosaí gearrfhanachta a mhalartú idir Ballstáit (Rialachán VIS) (IO L 218, 13.8.2008, lch. 60);
7. Cinneadh 2008/633/CGB ón gComhairle an 23 Meitheamh 2008 maidir le rochtain chun a cheadaíthe ar an gCóras Faisnéise Víosai (VIS) ag údaráis ainmnithe na mBallstát agus ag Europol chun críocha cionta sceimhlitheoireachta agus cionta coiriúla tromchúiseacha eile a chosc, a bhrath, agus a imscrúdú, seachas Airteagal 6 (IO L 218, 13.8.2008, lch. 129);
8. Rialachán (CE) Uimh. 810/2009 ó Pharlaimint na hEorpa agus ón gComhairle an 13 Iúil 2009 lena mbunaítear Cód Comhphobail maidir le Víosai (Cód Víosai), seachas Airteagal 3 (IO L 243, 15.9.2009, lch. 1);
9. Rialachán (AE) Uimh. 265/2010 ó Pharlaimint na hEorpa agus ón gComhairle an 25 Márta 2010 lena leasaítear an Coinbhinsiún chun Comhaontú Schengen a chur chun feidhme agus Rialachán (CE) Uimh. 562/2006 maidir le gluaiseacht daoine ag a bhfuil víosa fadfhanachta (IO L 85, 31.3.2010, lch. 1);

10. Cinneadh Uimh. 1105/2011/AE ó Pharlaimint na hEorpa agus ón gComhairle an 25 Deireadh Fómhair 2011 maidir le liosta na ndoiciméad taistil a thugann teideal don sealbhóir na teorainneacha seachtracha a thrasnú agus ar doiciméid iad is féidir a fhormhuiniú le víosa, agus maidir le sásra á bhunú chun an liosta sin a shocrú (IO L 287, 4.11.2011, lch. 9);

[...]

12. Rialachán (AE) Uimh. 610/2013 ó Pharlaimint na hEorpa agus ón gComhairle an 26 Meitheamh 2013 lena leasaítear Rialachán (CE) Uimh. 562/2006 ó Pharlaimint na hEorpa agus ón gComhairle lena mbunaítear Cód Comhphobail maidir leis na rialacha lena rialaítear gluaiseacht daoine thar teorainneacha (Cód Teorainneacha Schengen), an Coinbhinsiún lena ndéantar Comhaontú Schengen a chur chun feidhme, Rialacháin (CE) Uimh. 1683/95 agus (CE) Uimh. 539/2001 ón gComhairle agus Rialacháin (CE) Uimh. 767/2008 agus (CE) Uimh. 810/2009 ó Pharlaimint na hEorpa agus ón gComhairle (IO L 182, 29.6.2013, lch. 1), a mhéid a bhaineann sé le forálacha eile a luaitear san Iarscríbhinn seo;
13. **Airteagail 1 agus 6(5)(a) agus** Teideal III de Rialachán (CE) 2016/399 ó Pharlaimint na hEorpa agus ón gComhairle an 11 Márta 2016 maidir le Cód an Aontais maidir leis na rialacha lena rialaítear gluaiseacht daoine thar teorainneacha (Cód Teorainneacha Schengen) (IO L 77, 23.3.2016, lch. 1);
14. Rialachán (AE) 2017/2225 ó Pharlaimint na hEorpa agus ón gComhairle an 30 Samhain 2017 lena leasaítear Rialachán (AE) 2016/399 a mhéid a bhaineann le húsáid an Chórais Dul Isteach/Imeachta (IO L 327, 9.12.2017, lch. 1), **a mhéid nach bhfuil sé infheidhme go fóill i gcomhréir le hAirteagal 66(2) de Rialachán (AE) 2017/2226;**

15. Rialachán (AE) 2017/2226 ó Pharlaimint na hEorpa agus ón gComhairle an 30 Samhain 2017 lena mbunaítear Córas Dul Isteach/Imeachta (EES) chun sonraí faoi dhul isteach agus imeacht agus sonraí faoi dhiúltú cead isteach náisiúnach tríú tír a chlárú agus iad ag trasnú teorainneacha seachtracha na mBallstát agus lena gcinntear na coinníollacha ar a dtabharfar rochtain ar EES chun críocha fhorghníomhú an dlí, agus lena leasaítear an Coinbhinsiún lena ndéantar Comhaontú Schengen a chur chun feidhme agus Rialacháin (CE) Uimh. 767/2008 agus (AE) Uimh. 1077/2011 (IO L 327, 9.12.2017, lch. 20) a mhéid a bhaineann sé leis an gCóras Faisnéise Víosai mar a leagtar síos i Rialachán (CE) Uimh. 767/2008 agus nach bhfuil infheidhme fós i gcomhréir le hAirteagal 66 (2) de Rialachán (AE) 2017/2226;
16. Rialachán (AE) 2018/1726 ó Pharlaimint na hEorpa agus ón gComhairle an 14 Samhain 2018 maidir le Gníomhaireacht an Aontais Eorpaigh chun Bainistiú Oibríochtúil a dhéanamh ar Chórais Mhórscála TF sa Limistéar Saoirse, Slándála agus Ceartais (eu-LISA), agus lena leasaítear Rialachán (CE) Uimh. 1987/2006 agus Cinneadh 2007/533/CGB ón gComhairle agus lena n-aisghairtear Rialachán (AE) Uimh. 1077/2011, (IO L 295, 21.11.2018, lch. 99), a mhéid a bhaineann sé leis an gCóras Faisnéise Víosai mar a leagtar síos i Rialachán (CE) Uimh. 767/2008, ETIAS a bunaíodh le Rialachán (AE) 2018/1240 ó Pharlaimint na hEorpa agus ón gComhairle agus an Córas Dul Isteach/Imeachta mar a leagtar síos i Rialachán (AE) 2017/2226 agus dá dtagraítear san Iarscríbhinn seo;
- [...]
18. Rialachán (AE) 2019/817 ó Pharlaimint na hEorpa agus ón gComhairle an 20 Bealtaine 2019 maidir le creat a bhunú le haghaidh idir-inoibritheacht idir córais faisnéise AE i réimse na dtéorainneacha agus na víosaí agus lena leasaítear Rialacháin (CE) Uimh. 767/2008, (AE) 2016/399, (AE) 2017/2226, (AE) 2018/1240, (AE) 2018/1726 agus (AE) 2018/1861 ó Pharlaimint na hEorpa agus ón gComhairle agus Cinntí 2004/512/CE agus 2008/633/CGB ón gComhairle (IO L 135, 22.5.2019, lch. 27), a mhéid a bhaineann sé le Córas Faisnéise Víosai mar a leagtar síos i Rialachán (CE) Uimh. 767/2008, ETIAS mar a leagtar síos i Rialachán (AE) 2018/1240 agus an Córas Dul Isteach/Imeachta mar a leagtar síos i Rialachán (AE) 2017/2226 agus dá dtagraítear san Iarscríbhinn seo;

19. Rialachán (AE) 2019/818 ó Pharlaimint na hEorpa agus ón gComhairle an 20 Bealtaine 2019 maidir le creat a bhunú le haghaidh idir-inoibritheacht idir córais faisnéise AE i réimse an chomhair póilíneachta agus an chomhair bhreithiúnaigh, an tearmainn agus na himirce agus lena leasaítear Rialacháin (AE) 2018/1726, (AE) 2018/1862 agus (AE) 2019/816, a mhéid a bhaineann sé leis an gCóras Faisnéise Víosáí mar a leagtar síos i Rialachán (CE) Uimh. 767/2008, ETIAS mar a leagtar síos i Rialachán (AE) 2018/1240 agus Dul Isteach/Imeacht mar a leagtar síos i Rialachán (AE) 2017/2226 agus dá dtagraítear san Iarscríbhinn seo;
20. Rialachán (AE) 2019/1155 ó Pharlaimint na hEorpa agus ón gComhairle an 20 Meitheamh 2019 lena leasaítear Rialachán (CE) Uimh. 810/2009 lena mbunaítear Cód Comhphobail maidir le Víosáí (Cód Víosáí) (IO L 188, 12.7.2019, lch. 25);
21. Rialachán (AE) 2021/1133 ó Pharlaimint na hEorpa agus ón gComhairle an 7 Iúil 2021 lena leasaítear Rialacháin (AE) Uimh. 603/2013, (AE) 2016/794, (AE) 2018/1862, (AE) 2019/816 agus (AE) 2019/818 a mhéid a bhaineann leis na coinníollacha a bhunú chun rochtain a fháil ar chórais faisnéise AE eile chun críocha an Chórais Faisnéise Víosáí, (IO L 248, 13.7.2021, lch. 1);
22. Rialachán (AE) 2021/1134 ó Pharlaimint na hEorpa agus ón gComhairle an 7 Iúil 2021 lena leasaítear Rialacháin (CE) Uimh. 767/2008, (CE) Uimh. 810/2009, (AE) 2016/399, (AE) 2017/2226, (AE) 2018/1240, (AE) 2018/1860, (AE) 2018/1861, (AE) 2019/817 agus (AE) 2019/1896 ó Pharlaimint na hEorpa agus ón gComhairle agus lena n-aisghairtear Cinntí 2004/512/CE agus 2008/633/CGB ón gComhairle, chun críche an Córais Faisnéise Víosáí a athchóiriú, (IO L 248, 13.7.2021, lch. 11);
23. Rialachán (AE) 2021/1150 ó Pharlaimint na hEorpa agus ón gComhairle an 7 Iúil 2021 lena leasaítear Rialacháin (AE) 2018/1862 agus (AE) 2019/818 a mhéid a bhaineann leis na coinníollacha a bhunú chun rochtain a fháil ar chórais faisnéise AE eile chun críocha an Chórais Eorpaigh um Fhaisnéis agus Údarú Taistil, (IO L 249, 14.7.2021, lch. 1);

[...]

25. Rialachán (AE) 2021/1152 ó Pharlaimint na hEorpa agus ón gComhairle an 7 Iúil 2021 lena leasaítear Rialacháin (CE) Uimh. 767/2008, (AE) 2017/2226, (AE) 2018/1240, (AE) 2018/1860, (AE) 2018/1861 agus (AE) 2019/817 a mhéid a bhaineann leis na coinníollacha a bhunú chun rochtain a fháil ar chórais faisnéise AE eile chun críocha an Chórais Faisnéise Víosáí, (IO L 249, 14.7.2021, lch. 15).
-